

Broj: 09-49-6193/09
Sarajevo, 24.09.2009.godine

PRIMLJENO: 29.9.2009.			
Organizaciona jedinica	Klasifikaciona oznaka	Redni broj	Broj priloga
01-50-11559/09			

PREDSTAVNIČKI DOM PARLAMENTA BiH
n/r gosp. Beriz Belkić, predsjedavajući

PREDMET: Odgovor na poslaničko pitanje; dostavlja se

Poštovani,

U vezi poslaničkog pitanja koje je na 59. sjednici Predstavničkog doma Parlamentarne skupštine Bosne i Hercegovine održanoj 02.09.2009. godine, postavio poslanik Husein Nanić, u pogledu zahtjeva Mustafe Bajrića iz Bužima u predmetu verifikacije stare devizne štednje, dostavljamo Vam odgovor, kako slijedi:

Verifikacija stare devizne štednje deponovane kod banaka čije je sjedište osnovnih banaka ili glavnih filijala bilo na području koje se sada nalazi u Republici Srpskoj, nije se mogla realizovati u prvostepenom postupku kod Agencije za finansijske, informatičke i posredničke usluge d.d. Sarajevo i Agencije za pružanje finansijskih, informatičkih i posredničkih usluga d.d. Mostar, s obzirom da su podaci o deponovanoj štednji bili pohranjeni u tim osnovnim bankama ili glavnim filijalama, koje je preuzela Agencije za posredničke, informatičke i finansijske usluge a.d. Banja Luka (APIF Republike Srpske).

Verifikacija stare devizne štednje nije se mogla izvršiti u prvostepenom postupku za navedene banke, s obzirom da podaci koji su dostavljeni Federalnom ministarstvu finansija-financija od strane APIF-a Republike Srpske su nedostatni za verifikaciju u prvom stepenu (depozit sa stanjem nakon 31.12.1991. godine, različiti podaci dostavljeni od APIF-a Republike Srpske i podaci navedeni u deviznim knjižicama, različiti vlasnici računa u dostavljenim podacima i podacima navedenim u deviznoj knjižici i dr.), te se svi zahtjevi za verifikaciju stare devizne štednje, koji se odnose na navedene banke, rješavaju u žalbenom postupku.

U cilju potpunog utvrđivanja činjeničnog stanja po osnovu verifikacije stare devizne štednje za navedene banke, na zahtjev Komisije za verifikaciju računa stare devizne štednje, Federalno ministarstvo finansija-financija je tražilo relevantne podatke od APIF-a Republike Srpske za svakog štedišu ponaosob.

Nakon dostavljanja traženih podataka, pristupilo se rješavanju žalbi koje se odnose na navedene banke.

U konkretnom slučaju radi se o staroj deviznoj štednji deponovanoj u PBS Glavna filijala Prijedor Filijala Bosanska Krupa (Republika Srpska), te je Komisija za verifikaciju računa stare devizne štednje, kao drugostepeni organ, rješavajući po žalbama Mustafe Bajrića iz osnova stare devizne štednje, donijela rješenja broj 09-14-2480/06 od 29.07.2009. godine i 09-14-2476/06 od 29.07.2009. godine i ista se imenovanom dostavljaju putem prvostepenog organa.

S poštovanjem,

MINISTAR
Vjekoslav Bevanda